

6D021500 – Исламғану мамандығы бойынша

Утиннов Наурыйбай Таганұлының

философия докторы (PhD) ғылыми дәрежесін

алуы үшін диссертациясына

Ислам дағуатының негіздері мен әдістері және оның қоғамдық
санага ықпалы

(Қазақстан модель негізінде)

АННОТАЦИЯ

Такырыптың өзектілігі. Қазақстан Республикасы зайырлы, демократиялық, құқықтық және әлеуметтік мемлекет. Мемлекет құрушы мәдениет, яғни қазақ ұлты үшін ислам дәстүрлі дін. Тарихи тәжірибедегі, сонау, Қараханидтер дәуірінен бастап, мемлекеттік ресми дін ретінде мойындалған, қазақ мәдениетінің болмысына айналған, ислам діні қазақ ұлттық құндылықтарының рухани мәні. Тәуелсіздіктен кейінгі жылдары қоғамда ислам дағуатының өзектілігі мен рөлі арта түсті. Бұған жаһандану үдерісі мен еліміздегі діни ахуал да бірінші кезекте өз ықпалын тигізіп отыр.

Ислам дағуат өлшемдері мен қалыптары, ұстанымдары мен идеясында, әмбебаптық және локальдық ерекшеліктер мен тұжырымдар пайда болды. Осыған байланысты исламдағы дауғаттың да мәні мен мазмұнында, формалары мен әдіс-тәсілдерінде өзгерістер орын алды. Дағуаттың, еліміздегі субъектілері мен орталықтарының діни танымы мен санасында да күрделі трансформациялар орын алған отыр. Бұл құбылыстағы талдауды талап ететін мәселе.

Қазіргі уақытта Республикамыздагы дағуат құбылысының артында ғылыми әдебиеттерде де орын алған, «саяси дін», «діни саясат» және «дін саясаты» тіркестері арқылы анықталған орталықтар мен жүйелер жатыр. Басқаша айтқанда, исламды қазақ халқының тарихи танымымен ұштастыратын дәстүрлі ислами даугат, жаһандық ислам үмбетімен бірегейлігін негіздеуге талпынатын неофундаменталистік дағуат және ислам құндылықтарын саяси-әлеуметтік өзгерістерді жүзеге асыру құралы ретінде қарастыратын саяси ислам дағуат.

Қазіргі уақытта бұқаралық коммуникация саласындағы жаңа технологиялардың пайда болуы, галамдық ақиарат желілерінің қарқынды дамуы, постсекулярлық қогамда орын алған отырган әлеуметтік үдерістер дагуат мазмұны мен тәсілдеріндегі жетілдіруді талаң етеді.

Бүгінгі күні дін насиҳатының оз саласындағы белгілі бір стандарттар мен ережелерді ұстануға бағыт корсететін нұсқаулық жок. Дағуат жұмыстарының әдістері мен тәсілдері үнемі замана талабына сай дамытуды қажет етеді. Дағуатпен тікелей шұғылданатын дін қызметкерлері мен имамдардың білім-білігін, шеберлігін үштауға бағытталған машиқтану, курстар, семинарлар мен тренингтерді ұйымдастыру қажет. Ал мұндай шараптар арнайы танымдық әрі ғылыми еңбектерге сұйенген кітаптар, көмекші құралдар мен әдістемелік нұсқауларға деген сұраныс туындалады. Қазақстан қоғамы әр түрлі ұлттар мен ұлыстардан тұратындықтан, онда діни және мәдени плюрализм қалыптасқан. Осындай ортада өзгелердің сеніміне нұқсан келтірместен дін насиҳатын алып жүрудің өзіндік ерекшелігін айқындай білген дұрыс. Дінге шақырудың өзіндік тарихы мен ерекшеліктерін терең қарастырып, Қазақстан жағдайында бүгінгі күнге дейін діни дағуат әрекеттерінің салдарын зерттеу алдағы уақытта бұл салада олқылыктар жібермеуге ықпал ететіні сөзсіз. Мәне осындай мәселелер біздің зерттеу тақырыбының өзектілігін аша түседі. Сонымен қатар, бұл тақырыптың тақырып. Елімізде ислам тарихы, Мұхаммед пайғамбардың ғұмырнамасы (сияр), халифалар дәуіріндегі исламның таралуы секілді тақырыптарда еңбектер мен аудармалар, зерттеу, монографиялар жарық көргенімен, ислам дағуаты, тарихи кезеңдері, қазіргі таңдағы қоғамдық санаға ықпал ету тетіктері мен ұстанымдарының теориялық және методологиялық аспектілері ғылыми тұрғыдан кешенді зерттеу нысанына айналған жок. Бұл да тақырыптың өзектілігін көрсететін фактор.

Зерттеудің мақсаты мен міндеттері. Исламдағы дағуаттың мәні мен мазмұнын, тарихи даму барысындағы формалық эволюциясын, типтік ерекшеліктерін талдау және қазіргі Қазақстан қоғамындағы даугаттың өзіндік сипаты мен әдіс-тәсілдерінің теориялық-практикалық аспектілерін тұжырымдау. Осы аталған мақсатты жүзеге асыру үшін қосымша келесідей міндеттер қойылды:

- Дағуат ұғымының мәнін, қызметтін, анықтамасын айқындау;
- «Жалпы дағуат құбылысына қатысты Құран тұжырымын анықтау;

- Тарихи тұргыдан Ислам дагуатының саяси, аксиологиялық, идеологиялық және болмыстық қырларына талдау жасау;
- Дінге шақырушы тұлғага қойылатын талаптар, шарттар, ұстанымдар, қағидалар, тұлғалық өлшемдер, ережелердің мәнін ашу;
- Дағуат құбылысының ислами шеңбер аясында қолданбалы әдістәсілдері мен қазақ діни тәжірибесіндегі орнына талдау;
- Қазақстанда пайда болған жат ағымдардың «дағуат» әрекеттеріне тарихи-салыстырмалы, компаративистік талдау жасау;
- Жат ағымдардың ислами дағуат нормалық талаптарына қаншалықты сай келетіндігіне ғылыми сараптамалық баға беру;
- Қазақстанда дін дағуаттың қоғамдық санага әсері мен кері әсерін талдау және ғылыми ұсыныстар мен шешім жодарын ұсыну;

Зерттеу жұмысының нысаны. Исламдағы дауғаттың қалыптасуы мен дамуы, қазіргі заманғы исламдық дауғаттың мазмұны мен формалары

Зерттеу жұмысының пәні. Қазіргі Қазақстан қоғамындағы дағуаттың теориялық және практикалық аспектілері.

Зерттеудің ғылыми жаңалығы. Ғылыми жұмыстың жаңалықтарын төмендегідей көрсетуге болады:

1. Ислам дағуаты құбылысының тегі, қызметі, анықтамасы, ұстанымы мен идеясын негіздейтін аяттар мен хадистерге кешенді ғылыми теориялық талдау жасалынып, Құрандағы «дағуат» ұғымына жақын басқа да терминдер тұжырымдалды.
2. Тарихи үдерістегі «Ислами «дағуат» түсінігі мен дамуын, тарихи деректер негізінде талдап, олар Құран мен сұннеттегі дағуаттың маңызы мен рөлі тұрғысынан компаративистикалық әдіспен салыстырылды;
3. Барлық ислами дағуат ұстанымдары пайғамбарлық ұлгі негізінде, пайғамбар тұлғасымен тікелей байланысты тұжырымдалып, Құранмен бекітіліп, ғылыми танымдық деңгейде түсіндіріліп, накты талаптар мен ережелер анықталып, белгіленді.
4. Қазақстандағы, жат ағымдардың бүгінгі дағуат ұстанымдары мен тетіктеріндегі, теориялық негіздемелеріндегі саяси, идеологиялық және методологиялық қайшылықтар мен бұрмалаушылықтар, салыстырыла отырып, дәлелденді;
5. Қазақстандағы неофундаменталистік және исламшыл топтардың дауғатына қарсы қоғамдық және мемлекеттік институттардың бірлесе

шешім шыгару платформасының, бүгінгі жағандану үдерісінде ең тиімді жол екендігі дәлелденді;

6. Деструктивті діни топтардың даугаттарының алдын алуда, діннегеологиялық және мәдени-әлеуметтік қагидаттарды дәстүрлі діни сана мен діни таным шенберінде, тарихилық ұстанымын колданудың өзектілігі дәлелденді;

Диссертацияның теориялық және тәжірибелік маңызы. Ғылыми ізденістің тұжырымдары исламтану саласын кешендірттеудегі бос кеңістікті толықтырады, сонымен қатар, қогамда дін насихатын жүргізу дүрыс үлгісін анықтауга, Қазақстан Республикасы үшін дәстүрлі болып табылатын исламды дамытуға үлесін коспак. Жұмысты жоғары оку орындары мен орта кәсіби колледждердегі исламтану мамандығындағы дағуат пәні дәрісінде қолдануға болады. Диссертацияның нәтижелерін имамдар-хатибтерге арналған машиқтану курстары мен семинар, тренингтер өткізу кезінде пайдалануға жарамды.

Корғауға ұсынылатын негізгі ғылыми тұжырымдар:

1. Құранда дағуат сөзі 205 жерде кездеседі. Дағуат ұғымы Құранда исламға, иманға, Алла жолына, Алланың кітабына, хакқа, жақсылыққа, есендікке шақыру секілді мәнді иеленген. Құран мен хадистерде дағуатқа ұксас басқа да сөздер жиі аталады. Айталық, тәблиғ ، иршад الإرشاد . үағыз تبليغ ، نصيحة ، зікір الذکر ، تعلیم ، تَعْلِيمٌ ، тәрбие تربیه ، таусия توصیہ ، хидаят هدایت ، жихад jihad ، әмр бил мағруф нахи анил мункар الامر بالمعروف والنهی عن المنکر секілді сөздер мағына жағынан өзгешелеу болғанмен, көздеген мақсаты мен практикадағы көрінісі тұрғысынан ұксас мәнге ие. Мысалы Нахыл сұресі, 125 аят, Исра, 17/53., Қариа, 101/1-4. кездесетін дағуат ұғымы нақтыланып, адамдарды дағуатқа шақырудың негізгі бағыттары, яғни сақтандыру, ескерту, қорқыту, сүйіншілеу تبییر () жолдары анықталды. Құран кәрімде дағуаттың «хауф және рәжә» (ұміт пен үрей) الخُوفُ وَالرَّجَاءُ арасында болуы мұрат етілген. Осылайша, Құран мен сұннетке тән дағуат دعوةٌ жүргізуңдің өзіндік ерекшелігі қамтылған аяттар арқылы, дағуаттың орны мен маңызын анып корсеттік.

2. Ислами дагуат орталығы - Мұхаммед пайгамбар тұлғасы. Сондықтан оның дагуат жүргізудегі тәжірибесі - дагуат ісін жүргізушілер үшін бұлжымайтын үлгі болып табылады. Осы орайда Ислам дініндегі дінге шақырушиға қойылатын талаптар мен дагуат кезіндегі психологиялық әрі тәжірибелік әдіс-тәсілдерді анықтадық. Атап

айтқанда, Ислам дінінде дінге шақырушыға қойылатын талаптар ретінде төмендегі негізгі адамгершілік, тұлғалық қасиеттер: шынайылық, берік сенім; біліктілік; Аллаға тәуекел, шешендік, көркем мінез; жеке бас пайдасын күйттегеу; таблиғшының келбеті тартымды болуы тиіс; ықыласты; қарапайым, кішіпейіл, жылы шырайлы, шыдамды, табанды; Алладан үміт үзбеу; тыңдаушыны тану; өз гасырындағы гылымдардан хабардар болуы; тыңдаушының көңілін аулап, жүргегіне жол таба білу; тыңдаушының деңгейімен санасу; таластан бойын аулақ ұстау; қисынды әрі реалист болу; білмесе, білмейтіндігін мойындауы; сөзі мен ісінің тұтастығы және с.с.с. қасиеттер толығымен пайғамбарлық үлгіден алынған қағидалар.

3. Ислам тарихында пайғамбарлық дагуат өлшемдері туралы қажеттілік алғашқы ғасырларда ақ өзін сездірген болатын. Себебі дагуаттың мәні діни екендігі белгілі. Дегенмен, кейбір тұстарда дагуатты саяси, идеологиялық, мұdde, мақсат орын алған оқиғалар болды. Солардың ислами дагуат өлшемдеріне сынни көзқараспен қарауда да пайғамбарлық үлгі эталон ретінде алынғандығын тарихи деректер айғақтайды. Пайғамбарлық үлгі: даналықпен шақыру; тыңдаушыны тану, қеңістік шарттарын менгеру (мысалы, исламға шақыру мәселесінде қазіргі дамыған технология мүмкіндіктерін де тиімді пайдалану); дінде мәжбүрлеу, күштеу жоқтығын естен шығармау; дінді бір ғана түсінікпен шектемеу, көптүрлілікті ескеру; көзделген мақсат та, таңдалған тәсіл де дұрыс болуы тиіс.

4. Қазақстан Республикасы территориясындағы исламдық жамағаттарының дінге шақыру әрекеттерін талдап, саралау барысында, олардың негізгі мақсаттары мен әдіс-тәсілдерін жан-жақты ашып көрсеттік. Атап, айтар болсақ, қоғам ішінде белсенді уағыз жүргізетін жамағаттар ретінде Салафиттер, Дағуатшылар, Таблиғи жамағат, зікіршілер, Хизбут Тахрир ағымдарының ұстанымдары мен мақсаттарын, саяси идеологиялық мұраттарын нақтыладық. Аталған ағымдар мен діни үйымдардың қоғамдық санаға жасаған зардаптары мен қауптеріне әлеуметтік қызметтеріне баға бердік. Құран және сұннеттегі ұстанымдар мен ережелерді өз мұдделеріне бұрмалап, тыңдаушыларын аздыргандарын, оларды да өз мақсаттарына сай колданғандығын көрсеттік.

5. Қазақстандагы түрлі исламдық жамағаттар мен діни ұйымдардың дінге шақыру әрекеттері қоғамдық санада іріткі туғызып, түрлі түсінбеушілік пен жағымсыз салдарға алып келді. Атап, айтар Хизбут Тахриршілер көбіне жекелеген адамдарды мемлекеттік билікке қарсы қою, саяси көзқарастар, халифат жайлы үндеу, паракшалар таратумен ерекшеленсе, Салафи жамағаты қоғамдағы танымал адамдарды қатарына тартумен айналысты. Осы мақсатта спорттагы, өнердегі, айтыстағы, басқа да қоғам қайраткерлерін өз қатарларын тартумен, қажет болса жекелеген адамдардың материалдық мәселелерін шешіп берумен, туристік компаниялар ашып қажылыққа апарумен, телеарна, баспа ісімен шұғылданды. Салафи жамағатына тән әдіс ретінде олар жергілікті халықтың ұлттық сенімін қате деп тауып, оларды күшпен дұрыстауға әрекеттенуімен көзге түсті. Зікіршілер болса, әдіс-тәсіл ретінде Абай, Шәкәрім, Яссави секілді ұлт зиялыштарын бетперде етті. «Әбжат» клубы, телеарнаға жұмысқа алу, арнайы телебағдарламалар ашу секілді әрекеттермен айналысты. Араб жамағаттары мешіт салдыруға көніл бөлсе, түрік жамағаттар пансионат, оқу орындары, құран курсы, баспа ісімен айналысты. Теріс ағымдардың қоғамдық санаға тигізген кері әсерлері әсіресе олардың ұлттық болмысқа, дәстүрге, неке және отбасы құндылықтарына, бейбітшілік пен тұрақтылыққа, мемлекеттік құрылымға қатер төндіріп, азаматтардың діни түсінігін бұрмалап, дінді үстірт түсінуге жол ашып отырғанынан анық көрініс тапты. Олардың өздерін ғана дұрыс жолда санауы, өзгелерді адасушы деп білуі, ұлттық менталитетпен санаспауы, билікке қарсы келуі т.б. ел ішінде дінге деген түрлі көзқарас қалыптастырыды. Кей жағдайларда ол теріс ағымдардың заңмен тыйым салынуына да алып келді. Міне осы тұрғыдан қоғам мен мемлекеттік институттар арасындағы ортақ атқарылған жұмыстар мен шешімдердің тиімділігі мен қоғамдық пайдасын сараладық.

6. Қазақ болмысында ислам діні бар. Мәдени құндылықтары осы діни санамен өрілген. Діни тәжірибесі де сонау тарих қойнауына ұласқан, мұсылмандық болмысымен анықталады. Бұл да қазақ мұсылмандығының тарихи, уақыттық өлшемі. Ал енді осы кеңістікте де ислам дагуатының жәдігерлері мен өкілдері, ғұламалары мен әдебиеттері сакталған. Сондықтан деструктивті діни топтардың дагуаттарының алдын алуша «Мәдени мұра», «Рухани жаңғыру», «Ұлы даланың жеті қыры», «Дін мен дәстүр», «Киелі жерлерге саяхат», «Әл Фараби мен Абай жылы», Юнеско

тарапынан «Исауи жылы» сияқты багдарламалар қабылданғаны белгілі. Осындай тарихи тәжірибелізді іске қосып, гылыми айналымга енгізіп, діни-теологиялық және мәдени-әлеуметтік қагидаттарды дәстүрлі діни сана мен діни таным шеңберінде, тарихилық ұстанымын қолдансак жаһандық үдеріс қысымынан ұлт, болмыс, мәдениет ретінде сақталу тетіктері қызметін атқарапы сөзсіз.

Ғылыми жұмыстың нәтижелерінің жариялануы және сыннан өтуі. Ғылыми зерттеудің негізгі ғылыми тұжырымдары Қазақстан Республикасы Білім және ғылым министрлігі талаптарына сәйкес Білім және ғылым саласындағы бақылау комитетінің отандық ғылыми басылымдарында 3 мақала, 1 мақала SCOPUS базасына кіретін ғылыми басылымда, 2 мақала халықаралық конференция материалдарында, 1 мақала шетелдің халықаралық ғылыми конференциясында жарық көрді. Диссертация Нұр-Мұбарат университетінің «Исламтану» кафедрасында талқыланып, қорғауға ұсынылды.

Ғылыми жұмыстың құрылымы. Диссертациялық жұмыс кіріспеден, екі тараудан, алты бөлімнен және қорытынды мен пайдаланылған әдебиеттер тізімінен тұрады. Диссертация 130 беттен тұрады.